



## Malittarisassat

### Nunatsinni Perorsaasut Kattuffiat

#### § 1

#### Kattuffiup atia angerlarsimaffialu

Kattuffiup atigaa, Nunatsinni Perorsaasut Kattuffiat, N.P.K.

Imm. 2. Kattuffik Nuummi angerlarsimaffeqarpoq.

#### § 2.

#### Kattuffiup siunertaa.

Kattuffeqarnikkut aqqissuussaannermut tunngatillugu, aningaasaqarnikkut perorsaanermullu tunngasutigut soqutigisat siuarsassallugit.

**Imm. 2.** Perorsaanilerinikkut suliat ineriartortinneqarnerat pillugu oqallinneq siuarsartuassallugu aamma tunngaviusumik ilinniartitaanerit, ilinniaqqittarnerit, nangitsisumillu ilinniartarnerit ullutsinnut naleqquttuunissaat sulissutigissallugu kiisalu suliatigut ileqqorissaarnikkullu ataatsimut pisinnaasaasa annertusarnerisigut kattuffiup inuiaqatigiinni ataqqineqarnera qulakkiissallugu.

**Imm. 3.** Siunertat anguneqarsinnaaqqullugit kattuffik kattuffinnik allanik peqatigiiffinnillu suleqateqassaaq. Kattuffik politikkimut aalajangersimasumut qilersorsimassanngilaq.

**Imm. 4.** Suliffeqarfanni ataasiakkaani sulisut amerlassusissaat sulinermilu pissutsit, isumannaallisaanermut avatangiisinullu pissutsit pillugit pisortat sulisitsisuusut N.P.K. isumaqatiginninniarfigissavaa kiisalu paaqqinnittarfanni paarisqaqartarnermilu aqqissuussinermik nutaamik pilersitsisassalluni.

**Imm. 5.** Akissaatit atorfeqartitanermilu pissutsit pillugit suliasat ilaasortanut ataasiakkaanut tunngasut N.P.K.-p isumaqatiginninniutigissavai.

**Imm. 6.** Sulisut sinniisaasa siulersuisuunermilu ilaasortat pikkorissartinneqartarnissaat N.P.K.-p isumagissavaa. Perorsaaneq pillugu pikkorissartitsisarnerit, ataatsimeersuartarnerit, ilaasortat isumasioqatigiissinneqartarnerat N.P.K.-p aqqissuuttassavai, pilersaarusiortarnerallu peqataaffigissassallugu.

**Imm. 7.** N.P.K. aviisimik saqqummersitsisassaaq ukiumut marloriarluni, kalaallisut qallunaatullu allaqqasunik, ilaasortanut toqqaannartumik nassiunneqartassaaq.

#### § 3.

#### Kattuffiup ilaasortai.

Ilaasortanngorsinnaapput isumaginninnermi Perorsaasut, meeqqerivinni sunngiffimmilu Perorsaasut, meeqqerivinni isumaginninnikkut ikiortit, meeqqanik isumaginninnermi Perorsaasut, isumaginninnermi assistentit, isumaginninnermi perorsaanikkut siunnersortit, isumaginninnikkut ingerlatitseqqiisartut, oqalunnermik tusilartunillu Perorsaasut, barnehjælperit, socialmedhjælperit, ilaqutariiusut angajoqqaarsiaasut nalinginnaasut.



**Imm. 2.** Ilaasortanngorsinnaapput Kalaallit Nunaanni Isumaginnittunngorniat Ilinniarfianni perorsaasutut ilinniartut aamma Kalaallit Nunaanni PI/SPS-imi socialhjælperinngorniat tamakkiisumik ilaasortatut piginnaatitaaffillit.

**Imm. 2a).** Ilaasortat ileqquusumik tunngaviusumik ilinniarfimmittut ilaasortaanermut akiliuteqartassanngillat.

**Imm. 2b).** Najugaq qimannagu perorsaaneramik ilinniartut akissaatit pillugit isumaqatigiissut atuuttoq malilugu ilaasortaanermut akiliuteqartassapput.

**Imm. 3.** Pimoorussaangitsumik ilaasortanngorsinnaapput, tak. Imm. 1, akissarsiaqaratik sulinngiffeqartitaagallartut imaluunniit soraarnerussutisallit.

**Imm. 4.** Ilinniagaqarnissamik piumasaqaatinut siulersuisuunerit immikkut akuersissuteqarsinnaapput.

**Imm. 5.** Ilaasortat akiliisartut tamarmik qaammatini 6-ni ilaasortaareernerimikkut tamakkiisumik piginnaatitaaffeqarput, ilaasortaqtigii § 3, imm. 2-mi taaneqartut aamma ilaasortat N.P.K.-p suleqatigiinnissamik isumaqatigiissuteqarfigisaanniit N.P.K.-mut nuuttut ilanngullugit.

**Imm. 6.** Allagaqarnikkut N.P.K.-mut ilaasortanngortoqartassaaq. Ilaasortanngorniarnermik allakkanut ilanngunneqassaaq pineqaatissinneqarsimanngininnermik uppersarsaat/meeqqanik atonerluisimanngininnermik uppersarsaat, sivikinnerpaamik qaammammik 1-mik pisoqaasusilik. Pineqaatissinneqarsimanngininnermik uppersarsaat/meeqqanik atonerluisimanngininnermik uppersarsaat isertuussaatut oqaluuserineqassaaq. Qaammatip aallaqqaataanit atuutilersussamik ilaasortanngorniartoqartassaaq qaammammik 1-mik sioqqutsisumik allakkatigut nalunaaruteqarnikkut. Ilaasortaajunnaarniarneq allakkatigut nalunaarutigineqartassaaq. Ulloq aqqiagiinngissuteqarfigiligaaq aallarnerfigalugu ilaasortaajunnaarniarneqarsinnaanngilaq.

**Imm. 7.** Ilaasorta qaaammatit 3-t sinnerlugit ilaasortaanermut akiliinngitsoorsimappat piginnaatitaafferuttissaaq. Siulersuisuni ilaasorta qammineq pisuussutigisaminik qaammat ataaseq sinnerlugu ilaasortaanermut akiliinngitsoorpat, qinigaaffiup nalaani tatigisatut qinikkatut atuuffimminit tamanit tunuassaaq. Aamma taamatut pineqassapput siulersuisuunerni, ulluinnarni aqutsisuni aamma immikkoortortaqarfinni koordinatit.

#### § 4.

##### N.P.K.-p aqqissuussaanera siulersugaaneralu.

Ataatsimeersuarneq;

- a. Siulersuisuunerit.
- b. Ulluinnarni aqutsisut.
- c. Sinniisoqarfii.

#### § 5.

##### Ataatsimeersuarneq.

N.P.K.-p susasaqarfiini tamani ataatsimeersuarneq qullersatut oqartussaassuseqarpoq.



**Imm. 2.** Sivikinnerpaamik qaammatinik 3-nik ataatsimeersuarnissaq sioqqullugu, siulersuisuunerit ukiut pingasukkaarlugit ataatsimeersuariaqqusisassapput.

**Imm. 3.** Ataatsimeersuarnermut allartitat: siulersuisuunerit, ulluinnarni aqutsisut, sinniisoqarfinni attaveqa-ataasooq aamma ilaasortat 30-kuutaanut aallartitaq ataaseq. Kattuffimmi suliatigut allatsi peqataasussatita-asutut taasisinnaatitaanani peqataasassaaq. Ataatsimeersuarneq aalajangiinnaasuseqarpoq aallartitat 2/3-ii najuutsillugit.

**Imm. 4.** Malittarisassanut allannguutissatut siunnersuutit, ataatsimeersuarnermilu oqaluuseritikkusutat allat, ataatsimeersuarnissaq qaammatinik marlunnik sioqqullugu, N.P.K.-p allaffianit tiguneqareersimassapput.

**Imm. 5.** Ataatsimeersuarnissaq kingusinnerpaamik qaammammik ataatsimik sioqqullugu ataatsimeersuarnermi atortussat tamarmik, kalaallisut qallunaatullu, immikkoortotaqarfinnut aamma ataatsimeersuarnermi aallartitanut tamanut N.P.K.-p allaffiata nassiusuutissavai.

**Imm. 6.** Ileqquusumik ataatsimeersuarneq makkuninnga oqaluuserisassartaqassaaq:

- a) Siulittaasup tikilluaqqusinera.
- b) Aqutsisup, imaqarniliortup oqalutsillu akuersissutigineqarnerat.
- c) Ataatsimeersuarnermi ataatsimiititaliassanik qinersineq: Tusagassiornermut ataatsimiititaliaq, inatsisinut ataatsimiititaliaq aamma taasinermi kisitsisussat.
- d) Malittarisassat malillugit ullormut oqaluuserisassartalimmik aamma najoqqutassartalimmik ataatsimeersuariaqqusisimanerup akuersissutigineqarnerat.
- e) Nuna tamakkerlugu siulittaasup nalunaarutaa.
- f) Nuna tamakkerlugu siulittaasup nalunaarutaata akuersissutigineqarnera.
- g) Naatsorsuutit kukkunersiukkat aningaaserisumiit saqqummiunneqarnerat
- h) Naatsorsuutit kukkunersiukkat ataatsimeersuarnit akuersissutigineqarnerat
- i) **Ataatsimeersuarnissamut siunnersuutit:**
  1. Siunissami suliasat
  2. Malittarisassat.
- j) Missingersuutit aamma ilaasortaanermut akiliut.
- k) **Ataatsimeersuarnermi aallartitat qinissavaat:**
  1. Nuna tamakkerlugu siulittaasooq.
  2. Siulittaasup tullia.
  3. Aningaaserisoq.
  4. Ulluinnarni aqutsisunut ilaasortat 4 aamma ulluinnarni aqutsisinut sinniisussat pingasut.
- l) Oqaatigiumasat allat.

**Imm. 7.** Siulersuisuunerit inissinneranni marlunnik feriefondbestyrelsemut qinersineqassaaq.

**Imm. 8.** Ataatsimeersuareernermit kingusinnerpaamik qaammatit 3 qaangiunneranni siulersuisuunermut ilaasortanut tamanut nassiusuunneqartussamik aalajangiinerit pillugit kalaallisut qallunaatullu imaqarni-ortoqassaaq ulluinnarni aqutsisunit atsiorneqartussamik.

**Imm. 9.** Ataatsimeersuarnernup matoqqasumik ingerlanneqarnissaa piumasarineqarpat tamanna 2/3-inik amerlanerussuteqarnikkut aalajangiiffigineqassaaq.



**Imm. 10.** Apeqqutit N.P.K.-p aningaasaqarneranut tunngassutillit.

- a) Immikkut ittumik ataatsimeersuarneq ingerlanneqarsinnaavoq tamanna siulersuisuunernut ilaasortat taasisinnaatitat imaluunniit ilaasortat 1/3-iisa kissaatigippassuk.
- b) Immikkut ittumik ataatsimeersualertoqarnissaanut taarsiullugu suliat nuna tamakkerlugu taasisinikkut siulersuisuunerit aalajangiiffigisassanngortissinnaavaat.

**Imm. 11.** Immikkut ittumik ataatsimeersuarnissaq e-mailikkut siumut ullunik 30-inik sioqqutsisumik ilima-saarutigineqassaaq.

**Imm. 12.** Tamatumunnga piumasaqaat nassiunneqsimappat piumasaqaatip tiguneraniit kingusinnerpaa-mik sapaatit akunneri 2 qaanngiunneranni immikkut ittumik ataatsimeersuariaqqusinissaq siulersuisuunerit pisussaaffigaat.

**Imm. 13.** Sinniisoqarfiit pisinnaatitaafeqarsinnaapput ulluinnarni aqutsisunut qinigassanngortitsinissamut.

**Imm. 14.** Taamaattorli sinniisoqarfiit allat aamma Nuummi najugalinnik qinigasannngortitsinissaapput.

**Imm. 15.** Qinigassanngortitat ataatsimeersuarnermut aallartitatut inissisimasuunissaat pisariaqanngilaq.

**Imm. 16.** Nuna tamakkerlugu siulittaasoq kattuffiup ilaasortaanit tamanit ataatsimeersuarnermut aallartita-asut akornannit qinerneqassaaq. Nuna tamakkerlugu siulittaasunngortoq massakut atorffianit pisarineqas-saaq kattuffimmiillu aningaasarsiaqartinneqalissalluni.

**Imm. 17.** Siulittaasup tullia, Nuummi najugalik, ataatsimeersuarnermi aallartitanit qinerneqassaaq.

**Imm. 18.** Aningaaserisuuneq, Nuummi najugalik, ataatsimeersuarnermi aallartitanit qinerneqassaaq.

**Imm. 19.** Ulluinnarni aqutsisuni ilaasortat 4-t, ataatsimeersuarnermi aallartitanit qinerneqassapput.

**Imm. 20.** Ulluinnarni aqutsisunut sinniisussat 3-t, ataatsimeersuarnermi aallartitanit qinerneqartassapput.

**Imm. 21.** Nuna tamakkerlugu siulittaasumik nutaamik qinersinermi qaammatip tulliuuttup aallaqqaataani si-ulittaasunik nikisitsisoqassaaq, siulittaasoq tunuartaasaaq ullup qinersiviup naanissaanut atorffeqartitaassa-aq.

## § 6.

### Siulersuisuunerit.

**A).** Siulersuisuunerit tassaapput ataatsimeersuarternerit akornanni kattuffimmi qullersaallutik oqartussaa-sut.

**B).** Siulersuisuunerit ukiumut sisamariarlutik ataatsimiittassapput imaluunniit siulersuisuunerni ilaasortat 1/3-iisa tamanna kissaatigippassuk, takuuk imm. 3.

**Imm. 2.** Siulersuisuunerit katitigaanerat: Sinniisoqarfiit attaveqaataasussatut toqqagaat, Nuna tamakkerlu-gu siulittaasoq, siulittaasup tullia, aningaaserisuuneq, kiisalu siulersuisuunerit ilaasortassatut ataatsimeer-suarnermi qinigaasut.

**Imm. 3.** Siulersuisuunerit aalajangiisinnaatitaapput ilaasortat tamarmiusut 2/3-ii najuutsillugit. Siulersuisuu-nermut ilaasortaq oqarasuaatikkuat ataatsimeeqataasooq najuuttutut isigineqaassq.



**Imm. 4.** Amerlaqatigiinnik taasisoqartillugu siulittaasup taasinera aalajangiisussanngussaaq.

**Imm. 5.** N.P.K.-p allaffianeersoq imaqarniliortuussaaq. Imaqarniliaq sinerissami sinniisoqarfinnut nassiussunneqassaaq.

**Imm. 6.** Siulersuisuunerit ataatsimiitsitaliorsinnaapput aamma ataatsimiititaliani assigisaannilu ilaasortaattassatik nammineq qinertassallugit.

**Imm. 7.** Siulersuisuunerit pisariaqartitsineq malillugu ataavartumik ataatsimiititaliorsinnaapput aamma suli-gasuartussamik ataatsimiititaliorsinnaapput.

**Imm. 8.** Atorfinitsitsarnerit siulersuisuunerit susassaqarfigaat.

**Imm. 9.** Aatsaat ataatsimeersuortoqarnerani akuersereernikkut illunik pisisoqartassaaq tunisisoqartassallunilu. Pinartunik pisisoqartillugu siulersuisuunerit tamanna pillugu aalajangiisinnaapput.

## § 7.

### Ataqatigiissaarisut.

Sinniisoqarfiit illoqarfinni, nunaqarfinnilu NPK-mut attaveqaataasussanik qinersissapput.

**Imm. 2.** Immikkoortortaqarfiit ukiut marlukkaarlugit 31. januar tikitsinnagu ilaasortanik naapisitsinermi toqqaaneq ingerlanneqartassaaq.

**Imm. 3.** Sinniisoqarfinni ilaasortanik ataatsimiitsitsinerup kingorna, kingusinnerpaamik qaammatip ataatsip qaangiunnerani allakkatigut N.P.K.-p allaffianut nalunaarutigineqassapput.

## § 8.

### Ulluinnarni aqutsisut.

A). Ulluinnarni aqutsisut inuttaraat:

Siulittaasoq

Siulittaasup tullia

Aningaaserisuuneq

Ilaasortat 4

allatsi taasisinnaanngitsoq

**Imm. 2.** Ataatsimeersuarnerup nalaani siulittaasup aamma siulittaasup tullia tunuarnerisigut, siulersuisuunerit inissitsitertassapput.

## § 9.

### Ataatsimiititaliat

N.P.K.-mi sinniisoqarfiit suulluunniit tamarmik suliassanut killilikkanut ataatsimik arlalinnilluunniit ataatsimiititaliorsinnaapput.



**Imm. 3.** Ataatsimiititaliaq sunaluunniit aalajangiisnaatitaangilaq tamatigullu N.P.K.-p immikkoortortaanut aalaakaasunut akisussaasuusarluni.

**Imm. 4.** § 8, imm. 1 b-mi aalajangersakkami ataatsimiititaliaq aalaakkaasoq taaneqartoq kisiat ilanngunnaagu, allamik isumaqatigiissuteqartoqarsimatinnagu, ataatsimiititaliap suliani ataatsimiititaliamik saqqqummiutereerpagu, ataatsimiititaliat sulluunniit atorunnaartassapput.

**Imm. 5.** Akissaatit pillugit isumaqatiginninnialernermi isumaqatiginninniarnermut ataatsimiititaliaq pilersineqartassaaq.

**Imm. 6.** N.P.K.-mi ilaasortat kikkulluunniit ataatsimiititaliami aalaakaasuni nalinginnartut ilaasortatut peqataasarsinnaapput.

## § 10.

### Isumaqatiginninniarnert inernerat pillugu nuna tamakkerlugu ilaasortanik taasisitsineq.

**Imm. 1.** Isumaqatiginninniarnermi angusaq ilaasortanut isumaqatigiisummi pineqartunut taasisutigisas-sanngorlugu nassiunneqassaaq.

**Imm. 2.** Nuna tamakkerlugu ilaasortanik taasisitsineq ingerlanneqassaaq allakkatigut pappiaqqat imermik immikkut ilisarnaasikkat atorlugit.

**Imm. 3.** Taasiffissat nassiussuunneranniit kingusinnerpaamik qaammat ataaseq qaangiuppat taasiffiit kisita-sanngorlugit N.P.K.-p allaffianut nassiunneqassapput.

**Imm. 4.** Ataatsimut losotsosissamol aa,,a taasosotsomerup kukkunersiornissaanut ulluinnarni aqutsisunut ilaasortanik marlunnik Nuummilu ilaasortanik pingasunik ulluinnarni aqutsisunut ilaasortaangitsunik, ulluinnarni aqutsisut toqqaassapput.

**Imm. 5.** Isumaqatiginninniarnerni angusaq pillugu nuna tamakkerlugu ilaasortanik taasisitsineq amerlane-russuteqarnikkut aalajangiiffigineqassaaq.

## § 11.

### Ilaasortanik nuna tamakkerlugu taasisitsineq.

Suliat pillugit siulersuisuunerit nuna tamakkerlugu ilaasortanik taasisitsisinnaapput, siulersuisuunerni ilaasortat taasisinnaatitasut 3 imaluunniit ilaasortat 1/3-liisa tamanna kissaatigippassuk.

**Imm. 2.** Nuna tamakkerlugu ilaasortanik taasisitsineq ingerlanneqassaaq allakkatigut pappiaqqat imermik immikkut ilisarnaasikkat atorlugit.

**Imm. 3.** Pappiaqqat taasiffissat ilaasortanut tamanut inummut ataatsimut taasiffissiaassapput.

**Imm. 4.** Taasiffiit ataatsimoortillugit N.P.K.-p allaffianut kisitassanngorlugit nassiunneqassapput.

**Imm. 5.** Kisitsisussanik aamma taasisitsinerup kukkunersiornissaanut ulluinnarni aqutsisunut ilaasortanik ikinnerpaamik marlunnik Nuummilu ilaasortanik pingasunik ulluinnarni aqutsisunut ilaasortaangitsunik, ulluinnarni aqutsisut toqqaassapput.



**Imm. 6.** Kisitsinerit inernerat agguarnilersorlugu ilaasortanut ataasiakkaanut tamanut allakkatigut, pisaria-qarpallu aviisikkut, saqqummiunneqassapput.

**Imm. 7.** Siunnersuutit allat tamarmik amerlanerussuteqarnikkut aalajangiiffineqassapput.

## § 12.

### Naatsorsuutit aamma aningaasaqarneq.

Kattuffiup naatsorsuutai kukkunerisuisarfimmit naatsorsuuserisarfimmilluunniit arlaannut attuumassuteqanngitsumit pimoorullugit ingerlaavartumik kukkunerisiorneqartassapput. Tamanna pisassaaq ukiuni naatsorsuusiorfiusuni tamani ikinnerpaamik ukiumut sisamariarlugu.

**Imm. 2.** Kattuffiup akiligassai eqqarsaatigalugit kattuffiup aningaasaatai kisimik akiliutigittinneqartassapput.

**Imm. 3.** Kattuffiup ukiumoortumik naatsorsuutai qaammatsiutit malillugit ingerlanneqartassapput.

**Imm. 4.** Angusat pillugit naatsorsukkat killiffilersugartallit amerlasuunngortillugit pigineqassapput aamma ileqqusumik ataatsimeersuarnissaq kingusinnerpaamik qaammammik ataatsimik sioqqullugu ataatsimeersuarnissamut aallartitassanut nassiussuunneqassallutik.

**Imm. 5.** Kattuffiup aningaasaatai tigoriaannaat bankimut imaluunniit sparekassimut ikineqartassapput.

**Imm. 6.** Kattuffik sinnerlugu ulluinnarni aqutsisut atsiortuusassapput. Aningaaserivimmi aamma postgiromi kattuffiup kontoinut piginnaatitsissutit pigineqarput siulittaasumit, aningaaserisumit, suliatigut allatsimit, kattuffimmi marlunnik ataatsimut atsiorsinnaatitaasunit.

**Imm. 7.** Ataatsimeersuarnermi makkununga ilaasortanut akiliut annertussusilerneqassaaq: Perorsaasut, socialassistentit, barnehjælperit/socialmedhjælperit, terapeutit, ilinniartut, atuartut aamma pimoorussaanngitsumik ilaasortat. Ilaasortat qaammammut tamarmik 480,00 kr., ilinniartut qaammammut 50,00 kr., akiliuteqartassapput.

**Imm. 8.** Suliatigut aqqiagiinngissuteqartoqartillugu sulumajunnaarnerup nalaani ilaasortaanermut akiliut siulersuisuunerit annertussusilersinnaavaat. Sulumajunnaarnerisaaq unitsiinnarneqarpat sulumajunnaarnerup nalaani ilaasortaanermut akiliutit ilaasortanut ataasiakkaanut tunniunneqassapput.

## § 13.

### Malittarisassat.

Malittarisassat allannguutisaat ataatsimeersuarnermi 2/3-imik amerlanerussuteqarnikkut aalajangiiffineqartassapput.

## § 14.

### Sulumajunnaarnerit.

Suliffeqarfinni sulumajunnaarfiusuni ilaasortat sulileqqussaangillat imaluunniit sulianut sulumajunnaarnermit eqqugaasunut nuunneqarsinnaannatik.



**Imm. 2.** Akissaatit pillugit isumaqatiginninniarnernut atatillugu suliumajunnaarsinnaaneq nuna tamakkerlugu ilaasortanut taassissutigitinneqassaaq

## § 15.

### **Mianersoqqussutit aamma ilaasortaajunnaarsitaaneq.**

Ilaasortaq mianersoqqussummik tunineqarsinnaavoq, pineqartoq kattuffiup malittarisai ileqqorissaarneq, pissuserissaarneq aamma ilumoorneq unioqqutippagit, takuuk § 2.

**Imm. 2.** Sinniisoqarfiit, ulluinnarni aqutsisut, siulersuisuunerit, ataatsimeersuarnermi peqataasut mianersoqqussummik ilaasortanut tunniussisinnaatitaapput.

**Imm. 3.** Ilaasortaq ukiut marluk ingerlanerani pingasoriarluni mianersoqqussummik tunineqarsimaguni § 15, imm. 4 aamma imm. 6 atuutsitinneqalissapput.

**Imm. 4.** Ilaasortaq kattuffiup malittarisassaannut akerliu sumik iliuseqartartoq ilaasortaajunnaarsinneqarsinnaavoq.

**Imm. 5.** Ilaasortaq Meeqqanut/sullitanut kinguaassiutitigut kanngutsaatsuliorsimasutut imaluunniit persutaasimasutut pineqaatissinneqarsimasoq ilaasortaajunnaarsinneqassaaq aatsaallu nutaamik ilaasortanngortinneqarsinnaalluni pillagaanerata naammassineraniit ukiut 5-t ingerlareerpata. Siuliani taaneqartutut ilaasortaq pinerluttuliornermut pisuutinneqarnissamut tunngavilimmik siulersuisut pasippassuk, ilaasortap taamatut pinerluttuliorsimannginneranut, tassalu pineqaatissinneqarsimannginnermut/ Meeqqanut kinguaassiutitigut kanngutsaatsuliorsimannginnermut uppernarsaammik saqqummiussissasoq siulersuisut piumasarisinnaavaat.

**Imm. 6.** Siulersuisuunerit amerlanerussuteqarnerisigut ilaasortaajunnaarsitsinissat aalajangerneqassapput. Pineqartoq suliaq namminermut tunngasoq pillugu oqaaseqarsinnaatitaassaaq ajornanngippat illersorti aqutigalugu. Suliaq tullianik ataatsimeersuarnissamut imaluunniit siulersuisuunerit oqarasuaatikkut immikut ataatsimiinnissaannut ilaasortap suliassanngorteqqissinnaavaa.

**Imm. 7.** Ilaasortaq kattuffiup aningaasaataannik atornerluisimasoq ingerlaannaq atuutilersumik ilaasortaajunnaarsinneqassaaq.

**Imm. 8.** Paragraffimi uani Imm. 4 aamma imm. 6 nuna tamakkerlugu siulittaasup unioqqutippagu ilaasortaajunnaarsitaassaaq.

## § 16.

### **Malittarisassanik nassuiaatit pillugit apeqqutit.**

Malittarisassat ukua nassuiarnissaannut apeqqutit siulersuisuunerit aalajangiiffigisassavaat.

## § 17.

### **Ataatsimeersuarnerup kingorna.**

Ataatsimeersuarnerup kingorna, ataatsimeersuarnermi aqutsisoq, malittarisassat atsiortassavai.





Nunatsinni Perorsaasut Kattuffiat

Nuukkullak 8, kælder, Postboks 1122, 3900 Nuuk,  
Telefon: 32 24 71: E-mail: [info@npk.gl](mailto:info@npk.gl) Mobil: 23 63 84

§ 18.

**Malittarisassat nutaat atuutsilerfiat.**

Malittarisassat ukua kattuffiup Kangerlussuarmi ataatsimeersuarnerani akuerissutigineqartut atuutsilersin-  
neqarput ulloq 15. juli 2019.

Ilulissat, ulloq 26. september 2022

Aviaja Helms  
ataatsimeersuarnermi aqutsisoq

Hans Peter Sikensen  
Ataatsimeersuarnermi imaqarniliortoq